

## SAWA RIETVALLEI SE BREIWERK PROJEK (2017 – 2018)

**Gemeenskaps betrokkenheid:** Kom ons dink terug aan ons betrokkenheid met ons medemense en wanneer jy hierdie artikel klaar gelees het, vertrou ek dat jul sal saamstem dat ons Rietvalleiers weereens ‘n baie pragtige projek aangepak en suksesvol afgehandel het.

**Ons breiwerk projek** is aangepak met groot opgewondenheid en so verbind ons onself tot die projek tydens ons 2017 AJV te Dube kamp. Daar is vele vingerlose handskoene, mussies en slaapsokkies gebrei in alle kleure en vorms (of is dit nou patrone)!

Ons het kontant donasies gekry en het duskant 90 stalle breiwerk ontvang wat hoofsaaklik deur lede en moeders van lede gebrei is. Dit is uitgedeel aan mans en dames te Louis Trichardt Tehuis asook aan seuns en dogters te Ki-Deo Kinderhuis. Die oorblywende breiwerk is aan Angels Among Us geskenk.

**BAIE DANKIE.**

### **Louis Trichardt Tehuis**

Hier woon ongeveer 63 bejaardes wat hoofsaaklik van staatspensioen afhanklik is. Ek het dit gepas gevind om tesame met hierdie projek ‘n oorhandigings funksie te reël en ‘n tema te koppel en daarom was ons tema en die Boekevat sessie vir die dag **“Ons is deur God gekies en aangestel”** - hiermee saam ‘n uittreksel uit Filippense 1:6:

*Ek is oortuig dat God die goeie werk wat Hy in julle begin het, sal voortsit totdat Hy dit voltooi.....”*

Ons het heerlik saamgesing (onder klavier begeleiding deur Linda) en Boekevat gehou. Op ‘n ligte noot is die onderstaande voorgelees as Gedagte vir die Dag:

**Wat of wanneer is jy ‘n senior burger?** Dis ‘n vraag wat elkeen van ons een of ander tyd al gevra het!

*‘n Seuntjie is ‘n laat lammetjie, ‘n baie baie laat lammetjie. Na sy eerste dag op skool kom hy boos vir pa en ma terug van die skool af. Sy gemoed, blyk dit, is onlekker oor sy ouers vir hom gejok het oor iets. Op navraag blyk dit dat die juffrou in die klas vir die kinders gevra het hoe oud hul pa’s is, en toe hy sê sy pa is 59, lag die kinders vir hom en sê hy jok, ‘n mens kan g’n so oud word nie.*

Nietemin, bejaardes is daaglik besig om op verskeie maniere te help bou aan monumente. Dit geskied soms op die manier waarop hulle leiding gee aan hul kinders en kleinkinders. Hulle help bou aan huisgesinne deur kleinkinders op te pas en bepaalde werkies te doen en waardes by hulle tuis te bring.

Mense is geneig om te dink wanneer iemand 60 of 70 jaar of ouer is, het hulle hul ‘verkoop by’ datum of “Expiry date” bereik. Dit is egter nie waar nie. Senior burgers het steeds elke dag ‘n groot en belangrike rol om in die samelewing, en selfs hier, te speel. Sommiges doen tuinwerk, brei vlytig nog komberse, serpe en ander bak en brou nog ‘n hond uit ‘n bos!

## SAWA RIETVALLEI SE BREIWERK PROJEK (2017 – 2018)

Ons het die waardes en beginsels van ouer mense nou nodiger as ooit voorheen sodat dit aan 'n jonger geslag oorgedra kan word. Die gebrek aan waardes in hierdie land het 'n soort armoede meegebring wat niks met geld te make het nie.

Dus, behou jul waardes en bly hoop!

Ben van Eeden het 'n gesellige kulkunsie vertoning aangebied (tot groot vermaak van ieder en elk).



Ons eie Linda van Vuuren het vir ons 'n pragtige storie voorgelees wat vele laat terugdink het aan die goeie ou radio storie-dae!



## SAWA RIETVALLEI SE BREIWERK PROJEK (2017 – 2018)

Daarna is geskenkpakkies uitgedeel aan die inwoners en die 7 helpers. Elke inwoner ontvang 'n pakkie met 'n paar handskoene, slaapsokkies, 'n mussie, 'n pen, paaseier, 2 pakkies Noodles en 'n pakkie droeë soppoeier.



## SAWA RIETVALLEI SE BREIWERK PROJEK (2017 – 2018)



Vier gelukkige trekkings en pryse is gedoen en die tehuis ontvang 'n paar stelletjies gordyne. Daar is ook 15 sakke gebruikte klere oorhandig wat na goeddenke aan inwoners uitgedeel gaan word.

Een van die inwoners het 'n baie mooi afsluiting boodskap gedoen en SAWA Rietvallei is op 'n besondere wyse bedank vir hul belangstelling en ondersteuning. Die oom het ook vir ons die tafelgebed gedoen.



Hierna is daar na die eetsaal beweeg waar ons heerlike sop en broodjies asook soet en sout eetgoed aan die inwoners bedien het.

# SAWA RIETVALLEI SE BREIWERK PROJEK (2017 – 2018)

**Vorbereiding** – opmaak van die stelletjies en geskenkpakkies:



**Eetgoed** – behalwe vir sop en broodjies is 'n hele halwe Fortuner se soet en sout ook bedien!



## SAWA RIETVALLEI SE BREIWERK PROJEK (2017 – 2018)



Die oggend is al kuier-kuier afgesluit.

## SAWA RIETVALLEI SE BREIWERK PROJEK (2017 – 2018)

**Ki-Deo Kinderhuis – Lyttelton** verskaf 'n stabiele huislike omgewing aan 12 behoefteige



kinders. Hierdie kinders is almal deur die stelsel van hul ouers weggeneem en is erg getraumatiseerd. Die ouderdomme wissel tussen 5 en 18. Elke kind ontvang 'n paar handskoene, slaapsokkies, 'n mussie, 'n pen en 'n paaseier.

**Angels Among Us** is 'n privaat beweging wat items insamel en aan behoefteiges voorsien. Die oorblywende breiwerk is in stelletjies opgemaak en aan hul geskenk vir verspreiding.



**ANGELS AMONG US**

Angels Among Us  
Charity night @ Mimmos Jear Ave  
30 May 2018 @ 18:30

# SAWA RIETVALLEI SE BREIWERK PROJEK (2017 – 2018)



## Bedanking ontvang na verloop van projek:

Goeie more Tjaart

Die inwoners het die funksie vreeslik geniet en die kos was vir hul 'n baie baie groot bederfie. Ons het die klere uitgesoek en gaan nog in die week die klere aan die inwoners uitdeel.

Namens die hele huis en sy inwoners en werkers sê ons vreeslik baie dankie aan jul.

Baie dankie vir die werk wat jul doen vir die mense.

Groete

Vicky

**Nms Louis Trichardt Tehuis bestuur**

---

Daar was vele mondelinge terugvoer waar lede hul waardering en dank uitgespreek het om deel te kon wees van hierdie projek.

Maar, baie dankie aan **ieder en elkeen** wat met hierdie spesiale 2018 breiwerk projek betrokke was.

---

*Fotos: Marietjie Klaasen*

**GROETE**

*Tjaart Klaasen*

*Mei 2018*